



Broj: 20-07-16-4-1296-22/15  
Sarajevo: 24.08.2015 godine

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09), člana 8. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine ("Službeni glasnik BiH", broj 36/08), člana 70. i 89. Zakona o javnim nabavkama Bosne i Hercegovine ("Službeni glasnik BiH", broj 39/14), a na osnovu preporuke Komisije za javne nabavke iz Zapisnika o pregledu i ocjeni ponuda broj 20-16-4-1296-21/15 od 24.08.2015. godine, direktor Direkcije za koordinaciju policijskih tijela Bosne i Hercegovine, donosi:

### O D L U K U

o dodjeli ugovora u postupku javne nabavke

1. Dodjeljuje se ugovor za nabavku usluge-servisiranje kopir aparata, ponuđaču:  
- za LOT1: „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 1.215,70 KM bez PDV-a;  
- za LOT2: „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 4.455,00 KM bez PDV-a.

2. Izabrani ponuđači iz tačke 1. ove Odluke dužni su dostaviti ugovornom organu u roku od pet dana od dana zaprimanja obavještenja o rezultatima ovog postupka javne nabavke, dokaze o ispunjenosti uslova lične sposobnosti u skladu sa tačkom 12. podtačka 12.1. tenderske dokumentacije.

3. Po pravosnažnosti ove Odluke, ugovorni organ će pozvati izabrane ponuđače radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i propisima koji regulišu postupke ugovaranja.

### O b r a z l o ž e n j e

Direkcija za koordinaciju policijskih tijela Bosne i Hercegovine (u daljem tekstu: Direkcija) provela je postupak javne nabavke usluge-servisiranje kopir aparata u postupku za dodjelu ugovora prema konkurentskom zahtjevu za dostavu ponuda, broj obavještenja 91-7-2-64-3-14/15, objavljeno na portalu javnih nabavki, dana 06.08.2015. godine.

Iz Zapisnika o pregledu i ocjeni ponuda Komisije za javne nabavke broj 20-16-4-1296-21/15 od 24.08.2015 (u daljem tekstu: Zapisnik Komisije za javne nabavke) proizilazi da su u predmetni postupak nabavke ponude dostavili sljedeći ponuđači:

#### **Za LOT 1-Servisiranje kopir aparata marke Konica Minolta:**

- „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 1.215,70 KM bez PDV-a, bez ponuđenog popusta;
- „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 3.610,00 KM bez PDV-a, bez ponuđenog popusta;
- „DIGITAL LINE“ d.o.o., Sarajevo, ul. Marka Marulića do broja 2, sa ukupnom cijenom ponude 4.015,00 KM bez PDV-a, bez ponuđenog popusta;
- „IMTEC“ d.o.o., Sarajevo, ul. Pijaćna broj 114, sa ukupnom cijenom ponude od 3.491,00 KM bez PDV-a, bez ponuđenog popusta.

#### **Za LOT 2- Servisiranje kopir aparata marke Canon:**

- „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 2.582,18 bez PDV-a, bez ponuđenog popusta;
- „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 4.455,00 KM bez

PDV-a, bez ponuđenog popusta;

- „IMTEC“ d.o.o., Sarajevo, ul. Pijačna broj 114, sa ukupnom cijenom ponude od 4.467,00 KM bez PDV-a, bez ponuđenog popusta.

Na osnovu Zapisnika Komisije za javne nabavke, Direkcija je utvrdila sljedeće:

Ponuda ponuđača „BIRO KIP“ d.o.o., Banja Luka, „ZK OFFICE“ d.o.o., Mostar, „DIGITAL LINE“ d.o.o., Sarajevo i „IMTEC“ d.o.o., Sarajevo prihvatljive su za ugovorni organ za Lot 1, te iste mogu biti predmet vrednovanja u smislu najniže cijene tehnički zadovoljavajuće ponude.

Ponuda ponuđača „ZK OFFICE“ d.o.o., Mostar i „IMTEC“ d.o.o., Sarajevo prihvatljive su za ugovorni organ za Lot 2, te iste mogu biti predmet vrednovanja u smislu najniže cijene tehnički zadovoljavajuće ponude.

Ponuda ponuđača „BIRO KIP“ d.o.o., Banja Luka, za Lot 2, nije prihvatljiva za ugovorni organ jer je Komisija za javne nabavke prilikom analize pristiglih ponuda, uvidjela da su cijene ponuđača „BIRO KIP“ d.o.o., Banja Luka za Lot 1 i Lot 2 neprirodno niske cijene, jer je ista za više od 50% niža od prosječne cijene preostalih prihvatljivih ponuda za Lot 1, ukoliko su primljene tri prihvatljive ponude, odnosno cijena ponude je za više od 20% niža od cijene drugorangirane prihvatljive ponude, Lot 2. U skladu sa odredbama člana 66. Zakona o javnim nabavkama („Službeni glasnik BiH”, broj 39/14) i odredbama člana 17. Uputstva za pripremu modela tenderske dokumentacije i ponuda („Službeni glasnik BiH”, broj 90/14), kao i u skladu sa tačkom 35. Tenderske dokumentacije, ugovorni organ ima obavezu da od ponuđača traži objašnjenje cijene ponude koju smatra neprirodno niskom, s toga je Komisija za javne nabavke predložila isto.

Ponuđač „BIRO KIP“ d.o.o., Banja Luka, dao nam je sljedeće pojašnjenje:

Lot1-Cijene radnog sata su primjerene standardima u Bosne i Hercegovini, cijene bubnjeva za tražene modele su tržišne cijene i ponuđeni bubnjevi u potpunosti odgovaraju traženim modelima, te garancija i trajnost su u potpunosti sa fabričkim specifikacijama.

Lot2-Cijena finišera sa zamjenom je cijena popravke, obzirom da se mijenjaju prema ponuđaču dijelovi finišera, a ne kompletan, s toga je ponudio cijenu zamjene dijelova a ne kompletnog finišera, jer po njima ako bi bila zamjena kompletnog finišera, onda je riječ o nabavci, a ne o servisu.

U skladu sa navedenim pojašnjenjem, koje je dao ponuđač „BIRO KIP“ d.o.o., Banja Luka, Komisija za javne nabavke konstatuje sljedeće:

Lot 1-Ponuđač je obrazložio cijenu za Lot 1, da je ista data po fabričkim cijenama, te garantuje za iste, odnosno da ponuđeni model u potpunosti odgovara traženom modelu usluge, s toga Komisija za javne nabavke, smatra da ponuda ponuđa za Lot 1 je prihvatljiva, obzirom da isti prihvata i pristaje na uslove iz TD, po datoj cijeni.

Lot 2- Obzirom da je ponuđač naveo u svom obrazloženju da je njegova ponuda cijene za Lot 2- Servisiranje kopir aparata marke Canon, neprirodno niska iz razloga što je isti ponudio cijenu popravke dijelova finišera, a da su drugi ponudili cijenu novog finišera sa zamjenom.

Uvidom u TD Ugovornog organa Komisija je konstatovala da je u tački 3. Obrazca za cijenu ponude- usluge navedeno da Ugovorni organ za uređaj Canon IR 2520i traži „Finisher sa zamjenom“, što znači da ugovorni organ traži ukoliko bude potrebno da se zamjeni kompletan finišer na kopir aparatu Canon IR 2520i, a da je u tački 4. navedenog Obrasca naveo koji su to dijelovi koje će biti potrebno zamijeniti.

S toga Komisija za javne nabavke ne može prihvatiti obrazloženje neprirodno niske cijene ovog ponuđača za Lot 2, jer isti je dao cijenu za dijelove finišera, dok je ugovorni organ tražio zamjenu kompletnog finišera za Canon IR 2520i.

Komisija za javne nabavke zaključuje da od četiri primljene ponude za Lot 1, četiri ponude prihvatljive su za ugovorni organ, jer su ponuđači ispunili zahtjeve ugovornog organa propisane TD i mogu biti predmet vrednovanja u smislu najniže cijene, te je utvrđena sljedeća rang lista:

1. „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 1.215,70 KM bez PDV-a,
2. „IMTEC“ d.o.o., Sarajevo, ul. Pijačna broj 114, sa ukupnom cijenom ponude od 3.491,00 KM bez PDV-a.
3. „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 3.610,00 KM bez PDV-a;
4. „DIGITAL LINE“ d.o.o., Sarajevo, ul. Marka Marulića do broja 2, sa ukupnom cijenom ponude 4.015,00 KM bez PDV-a.

Komisija za javne nabavke zaključuje da od dvije primljene ponude za **Lot 2**, dvije ponude prihvatljive su za ugovorni organ, jer su ponuđači ispunili zahtjeve ugovornog organa propisane TD i mogu biti predmet vrednovanja u smislu najniže cijene, te je utvrđena sljedeća rang lista:

1. „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 4.455,00 KM bez PDV-a;
2. „IMTEC“ d.o.o., Sarajevo, ul. Pijačna broj 114, sa ukupnom cijenom ponude od 4.467,00 KM bez PDV-a.

Komisija za javne nabavke je na osnovu svega navedenog dala preporuku da se postupak nabavke usluge-servisiranje kopir aparata, uzimajući u obzir da je riječ o konkurentskom zahtjevu za dostavu ponuda, okonča u skladu sa članom 89, a u vezi sa članom 70. Zakona o javnim nabavkama Bosne i Hercegovine (“Službeni glasnik BiH“, broj 39/14) donošenjem Odluke o dodjeli ugovora ponuđaču:

-za LOT1: „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 1.215,70 KM bez PDV-a;

-za LOT2: „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 4.455,00 KM bez PDV-a.

Uvažavajući preporuku Komisije za javne nabavke, odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi Bosne i Hercegovine, putem Direkcije za koordinaciju policijskih tijela Bosne i Hercegovine, u pisanoj formi u tri primjerka, neposredno, elektronskim putem-fax ili preporučeno poštanskom pošiljkom, u roku od 5 dana od dana prijema Odluke.



Dostaviti:

-,BIRO KIP“ d.o.o., Banja Luka, ul. Trive Amelice, broj 19

-,IMTEC“ d.o.o., Sarajevo, ul. Pijačna broj 114

-,ZK OFFICE“ d.o.o., Mostar, ul. Vukovarska, broj 38

-,DIGITAL LINE“ d.o.o., Sarajevo, ul. Marka Marulića do broja 2

-a/a.



Broj: 20-07-16-4-1296- 27 /15  
Sarajevo: 01.09.2015 godine

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09), člana 8. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine ("Službeni glasnik BiH", broj 36/08), člana 100. Zakona o javnim nabavkama Bosne i Hercegovine ("Službeni glasnik BiH", broj 39/14), a na osnovu preporuke Komisije za javne nabavke iz Zapisnika broj 20-16-4-1296- 26 /15 od 01.09.2015. godine, direktor Direkcije za koordinaciju policijskih tijela Bosne i Hercegovine, donosi:

### R J E Š E N J E

1. Djelimično se uvažava kao osnovana žalba ponuđača „DIGITAL LINE“ d.o.o., Sarajevo, izjavljena na Odluku o dodjeli ugovora o nabavci usluge-servis kopir aparata na Lot 1, broj 20-07-16-4-1296-22/15 od 24.08.2015. godine.

2. Odbacuje se ponuda ponuđača za LOT1: „BIRO KIP“ d.o.o., Banja Luka, ul. Trive Amelice, broj 19, kao neprihvatljiva i zamjenjuje se dispozitiv Odluke broj 20-07-16-4-1296-22/15, koji se odnosi na Lot 1, tako da dispozitiv Odluke za Lot 1, glasi:

-za LOT1: „IMTEC“ d.o.o., Sarajevo, ul. Pijačna broj 114, sa ukupnom cijenom ponude od 3.491,00 KM bez PDV-a.

3. Ostali dio Odluke ostaje nepromijenjen.

### O b r a z l o ž e n j e

Direkcija za koordinaciju policijskih tijela Bosne i Hercegovine (u daljem tekstu: Direkcija) provela je postupak javne nabavke usluge-servisiranje kopir aparata u postupku za dodjelu ugovora prema konkurentskom zahtjevu za dostavu ponuda, broj obavještenja 91-7-2-64-3-14/15, objavljeno na portalu javnih nabavki, dana 06.08.2015. godine.

Odlukom, broj 20-07-16-4-1296-22/15 od 24.08.2015. godine, ugovor za Lot 1, dodijeljen je ponuđaču:

#### **Za LOT 1-Servisiranje kopir aparata marke Konica Minolta:**

- „BIRO KIP“ d.o.o., Banja Luka, ul. Trive Amelice, broj 19, sa ukupnom cijenom ponude od 1.215,70 KM bez PDV-a.

Dana 27.08.2015. godine, ponuđač „DIGITAL LINE“ d.o.o., Sarajevo, uložio je žalbu na Odluku, broj 20-07-16-4-1296-22/15 od 24.08.2015. godine, a koja se odnosi na Lot 1-Servisiranje kopir aparata marke Konica Minolta, u kojoj navodi sljedeće

-da je ugovorni organ na obrascu za cijenu ponude u tački 5. naveo da su kopir aparati koje koristi Direkcija u svom radu pod garancijom i da će izgubiti garanciju ukoliko servisiraju neovlašteni serviser, te pouzdano tvrdi da ponuđač „BIRO KIP“ d.o.o., Banja Luka, nije ovlašteni serviser kopir aparata Konice Minolta;

-da je ponuđena cijena izabranog ponuđača neprirodno niska, da je ukupna cijena navedenog ponuđača 1.215,70 KM, a potrebno je uraditi 14 redovnih servisa i 13 komada Drum jedinica sa zamjenom.

Ugovorni organ konstatuje da je žalba blagovremena, dopuštena i izjavljena od ovlaštenog lica.

Razmatrajući navode žalbe, Ugovorni organ je ponovo izvršio uvid u TD i konstatuje da su ponuđači morali svoje ponude pripremiti u skladu sa TD, a u kojoj je navedeno na strani 21. TD u Obrascu za cijenu ponude-usluge pod tačkom 5.: „Dobavljač je ovlašten za servisiranje uređaja Konica minolta s obzirom da su uređaji u garanciji i da bi neovlaštenim servisiranjem Ugovorni organ izgubio garanciju na navedene uređaje“, a što potvrđuje svojim potpisom i pečatom. Takođe u nacrtu Okvirnog sporazuma na

strani 28. TD u članu 5. navedeno je da „Dobavljač je ovlašten za servisiranje uređaja Konica minolta s obzirom da su uređaji u garanciji i da bi neovlaštenim servisiranjem Ugovorni organ izgubio garanciju na navedene uređaje.“.

Ugovorni organ, s obzirom da su svi ponuđači u postupku nabavke potpisali izjavu da su ovlašteni serviseri kopir aparata Konica minolta, dana 31.08.2015. godine uputio je mail proizvođaču Konica minolta, tražeći zvaničnu informaciju ko su ovlašteni serviseri njihovih proizvoda, na šta smo istog dana dobili odgovor da je ponuđač „DIGITAL LINE“ d.o.o., Sarajevo, Premium partner, a da su ponuđači „IMTEC“ d.o.o., Sarajevo i „ZK OFFICE“ d.o.o., Mostar njihovi Ovlašteni partneri.

Ugovorni organ je prilikom analize pristiglih ponuda, uvidio da su cijene ponuđača „BIRO KIP“ d.o.o., Banja Luka za Lot 1 i Lot 2 neprirodno niske cijene i od ponuđača tražio objašnjenje cijene ponude koju smatra neprirodno niskom.


Ponuđač „BIRO KIP“ d.o.o., Banja Luka, dao nam pojašnjenje, vidljivo iz Zapisnika Komisije za javne nabavke broj 20-16-4-1296-21/15 od 24.08.2015. godine, te s toga Ugovorni organ ostaje kod istog obrazloženja.

U skladu sa gore navednim Ugovorni organ, smatra da je žalba ponuđača „DIGITAL LINE“ d.o.o., Sarajevo, djelimično osnovana u dijelu koji se odnosi na ovlašteni servis, te smatra ponudu ponuđača „BIRO KIP“ d.o.o., Banja Luka neprihvatljivom iz razloga što isti nije ovlašteni serviser proizvoda Konica minolta, te je utvrđena sljedeća rang lista za Lot 1:

1. „IMTEC“ d.o.o., Sarajevo, ul. Pijačna broj 114, sa ukupnom cijenom ponude od 3.491,00 KM bez PDV-a.
2. „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 3.610,00 KM bez PDV-a;
3. „DIGITAL LINE“ d.o.o., Sarajevo, ul. Marka Marulića do broja 2, sa ukupnom cijenom ponude 4.015,00 KM bez PDV-a.

Uvažavajući preporuku Komisije za javne nabavke, odlučeno je kao u dispozitivu ove Odluke.

**Pouka o pravnom lijeku:** Protiv ovog Rješenja može se izjaviti žalba Uredu za razmatranje žalbi Bosne i Hercegovine, putem Direkcije za koordinaciju policijskih tijela Bosne i Hercegovine, u pisanoj formi u tri primjerka, neposredno, elektronskim putem-fax ili preporučeno poštanskom pošiljkom, u roku od 5 dana od dana prijema Rješenja.



Dostaviti:

- „BIRO KIP“ d.o.o., Banja Luka, ul. Trive Amelice, broj 19
- „IMTEC“ d.o.o., Sarajevo, ul. Pijačna broj 114
- „ZK OFFICE“ d.o.o., Mostar, ul. Vukovarska, broj 38
- „DIGITAL LINE“ d.o.o., Sarajevo, ul. Marka Marulića do broja 2
- a/a.



Broj: 20-16-4-1296-29 /15  
Datum: 09.09.2015. godine

- „BIRO KIP“ d.o.o., Banja Luka, ul. Trive Amelice, broj 19  
- „IMTEC“ d.o.o., Sarajevo, ul. Pijačna broj 114  
- „ZK OFFICE“ d.o.o., Mostar, ul. Vukovarska, broj 38  
- „DIGITAL LINE“ d.o.o., Sarajevo, ul. Marka Marulića do broja 2

**PREDMET: Obavještenje o dodjeli ugovora za nabavku usluga servis kopir aparata za Lot 1- Servisiranje kopir aparata marke Konica Minolta za potrebe Direkcije za koordinaciju policijskih tijela BiH**

Poštovani,

Obavještavamo vas da ponuđač „Imtec“ d.o.o. Sarajevo u konkurentskom zahtjevu za dostavu ponuda, kao prvoplasirani na rang listi u skladu sa Rješenjem, broj 20-07-16-4-1296-27/15 od 01.09.2015. godine, za nabavku usluge servis kopir aparata za Lot 1- Servisiranje kopir aparata marke Konica Minolta, nije dostavio blagovremeno, tražene dokaze o kvalificiranosti u roku od 5 dana od dana prijema obavijesti o izboru najpovoljnijeg ponuđača, odnosno Odluke, broj: 20-07-16-4-1296-22/15 od 24.08.2015. godine i Rješenja, broj 20-07-16-4-1296-27/15 od 01.09.2015. godine, kako je traženo u tački 12. podtačka 12.1 tenderske dokumentacije, broj: 20-07/3-16-4-1296-3/15 od 30.07.2015. godine.

U skladu sa članom 72. stav (3) tačka a) Zakona o javnim nabavkama („Službeni glasnik BiH“, broj 39/14), Ugovorni organ će zaključivanje ugovora za predmetnu nabavu ponuditi ponuđaču „ZK OFFICE“ d.o.o., Mostar, ul. Vukovarska, broj 38, sa ukupnom cijenom ponude od 3.610,00 KM bez PDV-a, kao drugoplasiranom na rang listi.

S poštovanjem,

S poštovanjem,  
Prilog: kao u tekstu

Dostaviti:  
- naslovu uz dostavnicu;  
- a/a.

